

佛祖統紀

四十三

風陵文庫

文庫19

F 229

16

法運通塞志第九

佛祖統紀卷四十三

志磐撰

穆宗

順憲宗第三子

長慶元年上親製南山律師讚曰代有覺人爲如來使龍鬼歸降天人奉事聲飛五天辭驚萬里金烏西沈佛日東舉稽首歸依肇律宗主至今律宗修忌之日用之以稱讚○幽州節度使劉總上表請出家帝不許總乃以印付留後自剃髮爲僧以私第爲寺帝乃從其志封爲大覺師賜僧臘五十寺名報恩○河東節度使裴度奏五臺佛光寺慶雲見文殊大士乘師子於空中從者萬衆上遣使供萬菩薩是日復有慶雲見於寺中○

山門禪定
蘭若藏本

F0229-(16)

敕龍興寺沙門惟英充翰林待詔兩街僧統
二年汾陽無業禪師見馬祖凡學者致問必答之曰莫
妄想憲宗屢遣使召皆辭以疾上即位思一瞻禮至
是遣兩街靈臬齎詔迎請師笑謂衆曰吾從別道去
矣中夜集衆說法端坐而逝敕謚大達國師○中書
舍人白居易知杭州往問道於鳥窠禪師師曰諸惡
莫作衆善奉行居易曰三歲孩兒也恁麼道師曰三
歲孩兒雖道得八十老翁行不得居易服其言作禮
而退師名道林見徑山欽禪師
四年沙門惠皎於杭州西湖孤山鑿石壁法華經刺
史白居易九人助其功宰相元稹音軫爲之記有云佛

法之奧妙僧當爲余言余不當爲僧言○白居易至
廬山見歸宗常禪師值師泥壁問曰君子儒小人儒
居易曰君子儒師打泥朽一下居易遂過泥師接得
使用良久云莫便是快俊底白侍郎麼居易云不敢
師云祇有過泥分○中書令王智興請於泗州建方
等戒壇遇聖誕之旦許以度僧制可浙西觀察使李
德裕上書以爲所度無算江淮失丁男數十萬帝不
納

敬宗

湛。穆宗長子

寶歷元年敕兩街建方等戒壇左街安國寺右街興
福寺以中護軍劉規充左右街功德使擇戒行者爲

大德令試童子能背誦經百五十紙女童誦百紙者許與剃度

二年敕沙門道士四百餘人於大明宮談論設齋○上幸興福寺觀沙門文敘講經上稱善○白居易述華嚴經社記云杭州龍興寺沙門南操因靈隱道峯法師講華嚴世界品遂發願勸黑白十萬人持華嚴經一部十萬人復勸千人諷華嚴經一卷每歲四季衆會具齋操捧香跪啓於佛曰願於未來世華嚴藏世界大香水海上寶蓮金輪中毗盧遮那佛前與十萬人俱乃於衆中率財置田千頃以給齋用來求記於予曰予即十萬人中一人也

○湖州刺史崔元亮於紫極宮修黃籙道場備盡精誠有鶴三百六十五隻翔集壇所紫雲祥風自西北而至一朱頂皓白而無玄翮竟集虛皇座上自辰及酉而去杭州刺史白居易爲作吳興鶴讚元亮常持黃庭度人道德經既值感通彌加篤厲去世之日入靖室誦黃庭而化棺輕若空衣然

文宗

昂穆宗次子

太和元年十月誕節詔秘書監白居易安國寺引駕大師義林上清宮道士楊弘元於麟德殿談論三教樂大文集○沙門善信大師學于馬祖悟佛法大意具有問答後往五臺修無礙供久之見老父謂曰師之大緣當

在隨洪師依教至大洪山適居人以牲物禱雨于山之龍池師止之曰勿殺而牲吾當為汝禱乃登山宴坐甘雨霈然有張武陵父子率眾禮謝為建道場至是年忽示眾曰種種供養不若以身供養乃以利刃斷左右足置几上白乳流涌門人哀號奪去其刃師不起于座遂入涅槃張氏父子待立左右脫然解化人服靈相謂之大聖二聖云山南節度使崔公遣官修供以金泥傳其身上聞之賜所居號幽濟院自是諸郡有禱靈響如答

二年江西觀察使沈傳師請於洪州建方等戒壇以聖誕度僧制答曰比因國事暫免度僧敕命已下而

傳師違禁申請宜罰奉一月以示不允
三年沙門清晃等於姑蘓法華院刊石壁法華經等八部郡刺史白居易為之記

四年祠部請令天下僧尼非正度者許具名申省給牒時入申者七十萬人○引駕大師義林奏修慈恩塔開冢之日異香襲人鼻身側卧甄臺具四十齒容相如生甄上金色首厚二寸如瑞芝狀○脩法師於天台禪林寺為物外法師說止觀法門

五年勅天下州郡造僧尼籍

八年十二月池州南泉普願禪師亡祖見馬師居南泉三十年觀察使陸亘請入郡仲弟子禮亘曰弟子亦

薄會佛法師曰太夫十二時中作麼生。旦曰寸絲不挂。師曰猶是階下漢。陸直見人雙陸拈起。骸子云恁麼不恁麼。祇恁麼信彩去。時如何。師拈起云。鼻骨頭花十八。旦曰筆法師甚奇怪。解道大地同根萬物一體。師指庭前牡丹花云。時人見此一株花。如夢相似。○澧州藥山惟儼禪師亡。謚弘道大師。見石九年岐山法門寺佛骨塔慶雲見。○四月翰林學士李訓請罷長生殿內道場。沙汰僧尼偽濫者。是日除大內靈像夜大風。舍元殿四鴟吻皆震墜。拔殿前樹者三。壞金吾仗館舍內外樓觀城門數十所。光化門西城俱壞。士民震恐。帝以訓所請忤天意。亟下勅。停前

沙汰復立大內儀像。風始息。

舊史

五

七月李訓請令

天下僧尼試經業。不中格者罷之。十一月李訓坐謀

誅宦官斬首於昆明池。敕免僧尼試經。○八月詔沙

門宗密

號圭峯六祖

入內殿問佛法。賜紫方服。

開成元年正月。左街僧錄內供奉三教談論引駕大

師悟達法師端甫。右脇而滅。茶毗得舍利三百粒。師

表率清衆十有一年。弟子傳業者千餘人。史館修撰

裴休撰碑銘。○敕沙門雲端充左右街僧錄。○上嘗

謂近臣曰。天下有無補教化而蠹食於國者。卿等可

悉言之。有對者曰。祖宗已來。廣行佛教。緇徒益多。茲

爲蠹物耳。上即敕中外罷緇徒。講說佛經會。尚食廚

遼御膳亨雞子忽忽聞鼎中有聲極微聽之乃群奴
呼觀世音菩薩懷愴之甚監宰以聞帝遣驗之果然
帝歎曰吾不知佛道神力乃能若是敕自今不得用
雞子又一日食蛤蜊有聲不開者焚香禱之俄變為
大士形帝召終南山惟政禪師問之師曰夫物無虛
應此蓋廣陛下信心耳經云應以此身得度者即現
此身而為說法帝曰大士已現未聞說法師曰陛下
觀此為常為非常為信為非信帝曰希有之事焉得
不信師曰已說法竟帝大詔即詔天下寺院皆立觀
音像勅師住聖壽寺至武宗即位乃入終南山隱居
人問其故答曰吾避仇耳

五祖旁出

三年三月清涼國師澄觀示寂上輟朝三日重臣編
素勅葬終南山石室師歷九朝為七帝門師身長九
尺四寸手垂過膝才供二筆日記萬言宿不離衣盡
形一食宰相裴休奉勅撰碑

四年中書奏誕節令宰臣百僚詣寺設千僧齋詔許
之時各僧俱會士民縱觀莫不傾敬

五年正月圭峯禪師宗密亡宰相裴休撰碑

武宗

少恭穆宗第五子

會昌元年九月召道士趙歸真八十一人入禁中親
受法錄

二年六月召衡山道士劉元靖入見敕授銀青光祿

大夫與歸真居禁中修法錄

三年上欲更興釋氏詔令兩街述有佛以來興廢之際有何徵應法寶大師玄暢撰三寶五運圖以上○
敕天下末尼寺並令廢罷京城女末尼七十人皆死
在回紇者流之諸道死者太半

四年正月上以齋月斷屠出自釋教嫌之勅今後唯
禁歲且三元日國忌日○三月以趙歸真為左右街
道門教授先生罷長生殿內道場及沙門內齋

五年正月趙歸真請與釋氏辨論詔僧道會麟德殿
上手付老子論治大國若烹小鮮義知玄法師登論
座大陳帝王理道教化根本辯說精壯道流不能屈

因為上言神仙羽化山林死夫獨善之事非帝王所
宜留神帝色不平放還桑梓帝作望仙臺於南郊歸
真乘寵排毀佛道非中國所當奉宜從除削臣僚皆
言歸真姦邪不宜親信歸真自以已涉物論乃薦引
羅浮鄧元超等同力膠固謀毀佛法四月詔檢校天
下寺院僧尼數五月敕兩都左右街留寺四所僧各
三十人天下州郡各留一寺上寺二十人中寺十人
下寺五人八月敕諸寺立期毀折括天下寺四千六
百所蘭若四萬所寺材以葺廨驛金銀像以付度支
鐵像以鑄農器銅像鐘磬以鑄錢收良田數千萬頃
奴婢十五萬人僧尼歸俗者二十六萬五百人穆護

火祓並勒還俗凡二千餘人宰相李德裕率百官上表稱賀○五臺諸僧多亡奔幽州李德裕謂進奏官曰歸白本使毋聽遊僧入境節度使張仲武奉其命主客郎中韋博謂德裕曰沙汰之法不宜太過德裕怒出博武陵判官

六年上餌金丹性加躁急喜怒不常道士誑之曰此換骨耳三月上疾篤內侍馬元贄立光主忱爲皇太叔上發背疽煩懣旬日不語遂崩大臣迎立皇太叔即皇帝位○長安有人夜行經周穆王陵見人從空中下朱衣執版宣言家尉何在二吏從墓出曰在此朱衣曰錄西海君使者何時當至吏曰計程可十八

日朱衣曰何稽留若此吏曰李炎坐毀佛教奪壽去位當與西海君同錄其魂有賈客鈴聲東來朱衣二吏忽不見後數日上果病崩太平廣記○太子賓客盧貞有子掌爲僧因沙汰授光王府參軍一夕夢前師至其家盧告曰卑官胥非所願也再思披緇未知何日師曰興復在汝即且堅志俄見旌旆萬騎傳呼而至云迎光王爲天子通鑑○五月敕楊欽義充兩街功德使令兩街各增八寺所度僧尼仍令祠部給牒○勅列聖忌辰並詣僧寺行者一如舊典以道士感亂先朝毀除佛教敕功德使楊欽義捕趙歸真劉元清鄧元起等十二人並集朝堂誅之陳其屍首

宣宗

悅憲宗十三子

大中元年三月敕會昌季年并省寺院釐革過當其
靈山聖境如有宿舊名僧能修創者所司不得禁止
○李德裕專權日久帝惡之貶潮州司馬頃之再貶
崖州司戶惡疾而卒初是有僧通宿世事謂德裕曰
公當萬里南行平生食萬羊今九千五百矣羊未盡
猶有還日德裕曰吾嘗夢行晉山見山上盡自皆羊
牧人曰此公平生所食也後旬日振武節度使李璣
饋羊四百僧曰萬羊將滿公其不還後果卒於朱崖
述曰自古人君之毀佛者必有臣佐以濟其事故
魏太武以崔浩周武以張賓衛元嵩唐武以李德

裕趙歸真卒使大法被辱君臣俱蒙惡報何彼此
之不幸歟至若舉行沙汰如桓玄之在晉世傳奕
之在唐朝姚崇之在明皇李訓之在文宗然皆牽
於時事既行而後厄以故一時小厄不若三武為
禍之酷也若周世宗天性毀佛而不得其佐韓愈
歐陽脩天性排佛而不逢其君使世宗得崔浩則
案誅沙門當有甚於太武之虐使韓歐逢三武則
毀像滅僧當不減於崔李之酷崔浩腰斬德裕竄
死不令之終亦足為報魯直謂退之見大顛排佛
為沮祖秀謂永叔見圓通排外內銷維韓與歐獲
善于後亦由知識道力有以回之耳

統左禁軍楊漢公以策定功請復佛教乞訪求知玄
法師於是復僧入居寶應寺屬壽昌節誦讀署三教
首座帝以舊邸造法乾寺命師居之○白居易卒贈
尚書左僕射居易晚節尚佛經月不葷施所居為香
山寺自稱香山居士嘗述讚曰十方世界天上天下
我今盡知無如佛者巍巍堂堂為人天師故我禮足
讚歎歸依會昌初有客舟遭風漂至大山一道士曰
此蓬萊山一院尚鑰甚固曰此白樂天所居在中國
未來耳樂天聞之為詩曰吾學真空不學仙恐君此
語是虛傳海山不是吾歸處歸即須歸勉率天樂天
嘗立願曰吾勸一百四十八人同為一志結上生會

行念慈氏名坐想慈氏容願常來世必生兜率脫歲
風神命工畫西方淨土一部晝夜供養為之讚曰極
樂世界清淨土無諸惡道及衆苦願如我身老病者
同生無量壽佛所一夕念佛倏然而化

二年敕上都東都荆揚汴益等州建寺立方等戒壇
為僧尼所度者重受戒法五臺山建五寺各度僧五
一人

述曰案僧史略云取大乘方等不拘根闕緣差但
發大心並皆得受會昌沙汰僧尼在俗寧無諸過
先令懺罪後增戒品自非方等豈容重受

宣州刺史裴休言天下寺觀多為官僚寄客蹂踐今

後不得在寺居止違者重罰制可○安國寺沙門
會以能詩應制嘗從上乞紫衣上曰不於汝等但汝
相有闕故耳及賜一夕暴亡

三年正月齋日四明道俗八千人於阿育王寺供養
佛舍利塔感天華紛墜有如雪色至手即融入夜放
五色光明大衆喜躍明年有新羅僧夜盜塔手擎蓮
亭而行不離本處爲衆所覺○敕沙門靈晏爲左右
街僧錄○壽昌誕節敕讀李貽孫法師知玄同道
士於麟德殿談論三教玄表宜大復天下廢寺帝素
重師德命圖形置禁中

四年敕杭州鹽官齊安禪師院賜名齊豐寺初帝爲

光王武宗忌之拘於後苑禁中官仇士良詐稱
光王墜馬死因脫身遁去至杏嚴閣禪師會下剃髮
作沙彌同遊廬山閣師題瀑布云穿雲透石不辭勞
遠地方知出處高閑方停思沙彌續之云溪澗豈能
留得住終歸大海作波濤閑始知非常人後至鹽官
海昌見齊安禪師自稱有光安奇之即命爲書記時
黃檗運禪師爲首座一日拜佛光問之曰不著佛求
用禮何爲運便掌又問不著佛求常作如是事運又
掌光曰太粗生運又掌曰者裏說恁麼粗細安師一
朝謂之曰時節至矣毋滯蟠泥乃以佛法爲囑未幾
武宗崩百官迎王即位屢遣使以師禮召安安力辭

及終敕謚悟空禪師上賜黃裝爲粗行禪師裴休奏
改爲斷際寶頌黃檗云大中天子曾○日本國遣
沙門常曉入中國求釋迦密教

五年敕天下州郡國忌行香不得攜酒肉入寺○召
京兆薦福寺弘辯入見上問曰何爲頓見何名漸修
對曰頓明自性與佛同儔然有無始染習故假漸修
對治令順性起用如人喫飯不因一口便飽帝說賜
號圓智禪師○六月京城進士孫樵上書言百姓男
耕女織不自溫飽而群僧安坐華屋美食有餘率以
十戶不能養一僧武宗憤其然髮二十七萬僧則天
下二百七十萬人始得續息陛下縱不能如武宗除

積弊奈何興之於已廢之後乎願詔僧未復者勿復
寺未修者勿修帝怒不納○九月婺州女子曾志願
開建林大士塔見頂足連環齒牙不壞迎出塔供養
四十九日復藏于塔

六年詔重建廬山東林寺追謚遠法師曰辯覺會昌
毀寺二僧負文殊像藏之錦繡谷之峯頂至是寺復
訪之不獲二僧相疑以爲匿去忽見圓光瑞相涌於
空表自是峯頂佛手巖天池常見光相云天池者崇
峻尤甚去東林三十里夜間見空中聖鑑自遠而至
初明一炬頃之至百千萬鑑或雲中見文殊大士出
沒無常至心禮拜必見聖相○宰臣言度僧不精則

戒法墮壞造寺無節則費財過多乞今後勝地名山
許令修建復舊官度僧尼仰本州律師精擇有道性
者制可

七年潭州鴻山靈祐禪師示寂謚大圓禪師見百

八年敕三教首座辯章充左街僧錄沙門僧徹充右

街僧錄○潭州岳麓寺沙門蹄言同往太原求太藏

經河東節度使司空盧鈞副使韋宙以經施之節度

巡官李節為之記曰儒學之人喜排釋氏其論必曰

禹湯文武周孔之代皆無有釋釋氏之興源於漢流

於晉彌漫於宋魏齊梁陳隋唐此衰世之所疾也宜

一掃絕之使不得滋論者之言粗矣吾請精而言之

昔有一夫膚脂而色和神清而氣烈怡然保順醫與

禱無用也粗音胡切脂音突肥也復一夫而有風濕之病背癢

而足蹇耳聾而目瞶於是用攻熨焉事懷瘡焉是二

夫皆胡相反邪病不病異耳病音隆病也瘡音昌瘡不

莫定切嗚呼三代之前世康矣三代之季世病矣三

代之前禹湯文武德義播之周公孔子典教持之道

風雖微猶有漸漬以故詐不勝信而惡知避善也暨

三代之季風俗大敗詐力相乘廢井田則唯務兼井

貪土宅則日事戰爭姦邪於是肆其志賢士不能容

其身以故上下相仇而激為怨俗也釋氏之教以清

淨自居柔和平抑則怨爭可得而息也以因果為言

窮達爲分則貴賤可得而安也怨爭息則于戈盜賊
之不興貴賤安則君臣民庶之有別此佛聖人所以
救衰世之道也不有釋氏尚安救之哉今論者不責
衰世之俗爲難移而尤釋氏之徒爲無用是不憐抱
病之夫而詎醫禱之爲何人也議詳後不思釋氏救
世行化之爲大益而且疾其官牆之麗徒衆之蕃摘
其猥庸無檢者爲口實而欲一槩以廢棄之是見其
末而遺其本也會昌季年武宗大剪釋氏巾其徒徹
其居微撤容貌於土木者沈諸水言論於紙素者投
諸火分命御史乘駟走天下察取隱匿者罪之於是
天下名藍真宇毀去若掃今天子建號之初當釋氏

當廢也亟下詔復之而自湖以南遠人畏法體而
之嚴旨焚徹經像殆無遺餘故今明命雖頒莫能得
其經籍道林寺者湘西之勝遊也有釋疏言獨曰大
原府國家舊都佛祠爲最多大師司空盧公天下仁
人我第往求遺書或可得也既上謁軍門公果諾之
四馳以求逸文月未幾得經律論五千四十八卷輦
而歸喜釋氏救世之道旣言之矣向非我明君洞鑑
理源何能復行其道非司空公克崇大法何能復全
其書非沙門疏言深識法運何能不憚遠求以遂茲
盛典奉聖上之令興釋氏之宗惠及後人其功用有
不可勝言者可無記焉

述曰此文立言建理足以曉世之不知佛者使退之見之當愧服不暇子厚浩初序述云與易論語合而不能如此明言救世之功然則此記殆過之矣李節名微唐史無聞

九年洪州黃檗希運禪師示寂謚斷際禪師師得法於百丈相國裴休守新安請師入郡咨問禪法執弟子禮以所聞述傳心法要行於世南岳下第四世

十年敕每歲度僧依本教於戒定慧三學中擇有道德性通法門者度之此外雜藝一切禁止詔羅浮山新棲集入見帝問曰先生長年何道致此對曰屏聲色去欲求哀樂廣惠澤則可與天地合體日月齊

則是為長年不俟別求久之請還山帝曰朕臨天下可聞其數否集橫書四十字後乃得十四年

十二年勅天下諸寺修治諸祖師塔日本國沙門慧鑄禮五臺山得觀音像道四明將歸國舟過補陀山附著石上不得進衆疑懼禱之白若尊像於海東機緣未熟請留此山舟即浮動鏐哀慕不能去乃結

廬海上以奉之

今山側有新羅碑

鄚人聞之請其像歸安開

元寺

今人或稱五臺寺又稱不肯去觀音

其後有異僧持嘉木至寺做

其製刻之宿穴施功彌月成像忽失僧所在乃迎置補陀山山在大海中去鄚城東南水道六百里即華嚴所謂南海岸孤絕處有山名補怛落迦觀音菩薩

住其中也即大悲經所謂補陀落迦山觀世音宮殿
是為對釋迦佛說大悲心印之所其山有潮音洞海
潮吞吐晝夜砰訇洞前石橋瞻禮者至此懇禱或見
大士宴坐或見善財俯仰將迎或但見碧玉淨瓶或
唯見頻伽飛舞去洞六七里有大蘭若其為海東諸
國朝觀商賈往來致敬投誠莫不獲濟草庵錄

十三年上餌道士丹疽發於背八月帝崩

述曰武宗毀佛信道餌丹發背而殞世方以之為
戒宣宗避仇為僧卒登寶位憤會昌之沙汰誅竄
李趙立方等戒壇令僧尼重受戒法其意甚至至
末年復用道士服餌金丹疽發於背其過在於好

長年而不達世相無常之義故終蹈其禍為後人

笑云

懿宗

准宣宗
長子

咸通三年敕兩街四寺各建戒壇度僧帝於禁中設
講座自唱經題手錄梵文數葉諸寺行施

六年朗州德山宣鑒禪師示寂謚見性禪師

見龍潭
清源第

世五

七年臨濟義玄禪師示寂謚慧照禪師學者稱臨濟

宗

見黃檗南
岳第四世

八年正月永州湘山全真禪師端坐示寂師郴人遊
方至湘山創梵宇曰淨土四方禪衆雲集受教會昌

初忽謂其徒曰：「僧當厄難，宜易衣冠。」一夕髯髮俱長，披素霞衣，曰：「無量壽衣頂青空冠。」曰：「真空法冠。」既而武宗果去，浮圖宣宗復佛法，師不復去衣冠，世稱為無量壽佛化現至此。

十年，瑞州洞山良玠禪師示寂，謚悟本禪師。見雲巖清源第

五○敕追謚南山道宣律師曰澄照。

十一年，相國裴休薨，休學于黃檗，得其旨，平居不御酒肉，作勸發菩薩心文，以激發世人。著釋氏文，若圓覺經法界觀禪源詮諸序，世服其精要。○十一月，延慶節，敕兩街入麟德殿，誦論佛法，賜左街僧錄清闍慧照大師，右街僧錄彥楚明徹大師。○上素聞雪峯

義存禪師名，敕賜真覺大師。師居山四十年，法席冠天下，衆至一千五百。閩王王氏事以師禮。見懷山清源第六世十二年，上幸安國寺，賜知玄國師沈香寶座。○上於禁中設萬僧齋，自升座為讚唄，有長眉梵僧來應供，受嚙畢，陵空而去。即寶頭盧

十四年三月，造浮圖寶帳，綵幡華蓋，敕兩街往鳳翔迎佛骨，三百里間，車馬不絕。群臣諫者至言，竊宗迎佛骨時，晏駕上曰：「朕生得見之，死無所恨。」四月八日，佛骨至，道以禁兵，公私音樂儀衛之盛，過於南郊。帝御安福門降樓迎拜，賜沙門及耆老，曾見元和奉迎者金帛，有差，佛骨留禁中三日，供養迎置安國崇

化二寺令士民得瞻禮十二月如前禮迎佛骨還鳳
翔○鐘離權字雲房自稱漢時遇王玄甫得長生之
道避亂入終南山於石壁間得靈寶經悟陰中有陽
陽中有陰為天地升降之宜氣中生水水中生氣即
心腎交合之理乃靜坐內觀遂能身外有身唐呂巖
字洞賓三舉進士不第於長安酒肆遇雲房將洞賓
入終南山授靈寶畢法十二科曰金誥玉書真原比
喻真訣道要其義有六包羅五仙之旨以授洞賓謂
之曰吾朝元有期汝當居此洞即有仙人下宣天詔
金幢玉節迎之升天洞賓乃客遊江淮度何仙姑郭
上竈施肩吾云呂仙遊行人間自唐及宋事迹非一

唐宗

第五子

乾符三年外法師於國清為元琇法師說止觀法門
○泉州龜洋無了禪師塔全身二十載為山泉淹沒
門人發掘不壞國王聞之遣使昇入府庭供奉忽臭
氣從閣王焚香祝之可還龜洋舊址建塔即異香普
熏傾城瞻禮本道奏上賜謚真寂大師塔曰靈覺弟
子慧忠遇澄汰終於白衣葬師塔東今龜洋二真身
士民依怙若僧伽之遺化

中和元年黃巢犯長安自號大齊上幸成都詔知玄
國師赴行在所引對大說上自製號悟達國師留行
宮久之辭歸九隴定中見菩薩摩頂說法言訖即隱

俄見一珠入玄左股隆起痛甚止有晁錯二字玄知
夙業即右脇安卧而逝世言玄之前身乃漢川三學
山知鉉法師臨終感病與今正類漢書文帝時吳太
子入見得侍皇太
子欲博爭道不恭皇太子引博局提殺之吳主由此
稱疾不朝始有反謀太子家令晁錯數上書言吳過
可削文帝寬不忌罰及景帝即位錯說上曰吳王前
有太子之怨欲誅天下亡人謀作亂今削之亦反不削
亦反及王國諸侯三王皆以罪削郡縣廷臣方議削
吳王王國
入見上方
東帝甚恨
侯別奪其地以故反
斬帝發使赦七國復其故地則兵可下
上久曰吾不愛一人以謝天下
要東市晁錯
音通蕭同昇必
郵切母音無

隆興秀師曰世稱晁玄是袁盎後身自漢文至隋

宗七百餘年盎償錯亦應畢矣今尚蒙惡報而斃
何哉蓋盎與錯始有私憾及錯議削七國而七國
畔盎因此時請遂斬錯景帝畏而從之終非本意
及錯誅而七國之兵不退則是盎假畔人以報私
憾耳是宜歷十生而宿對相尋不已可不畏哉
述曰周武廢佛法師知玄抗辨精壯帝不能屈唐
武沙汰法師知玄登論座道流不能屈兩世俱名
知玄俱遇廢教俱在朝為法師俱當辨論之席意
師有宿誓使之然乎至為三學山知鉉亦不異此
名也觀其三世為有道沙門而酬償宿報未已者
當是晁錯趨東廂以避盎時此心已深恨而載赴

東市以就誅時此心必大恨意臨刑之際必起惡願爲出世之報故每當法師舍壽之旦必見此相者亦文師道力轉爲輕受之報也夫珠者誅也昔盜請誅錯今錯亦誅盜玄表也寓名以見本年之姓異哉

三年泰山沙門大行誦彌陀經至三七且忽於夜中見流離寶地寶臺之上佛及二大士無數化佛咸現其前上聞殊異詔入內問所見賜號常精進菩薩將明國詔成都老君玄中觀改名青羊宮近宮西地熱民多植葱蒜清虛之境且當臭穢熏蒸已此買歸靖廬給公驗以爲信

四年泗州刺史劉讓言修僧伽弟子木叉塔得舍利八百粒進上詔以其骨塑爲像謚白真相

昭宗

諱。諱宗第七子

龍紀元年聖誕敕兩街僧道入內殿談論○琇法師於國清爲清竦法師說止觀法門

大順二年袁州仰山慧寂禪師入寂師稟法於瀉山世稱瀉仰宗初領徒住王莽山一日禪牀陷于地山神者以不堪居止東南有大仰山爲世福地遂遷居焉久之衆盛居隘山神一夕移廟於堵田三十里以避之

堵都魯切南岳下第五世

景福元年吳越王錢鏐於剡縣石城山建瑞相寺以

奉彌勒三生石像

乾寧二年文矩禪師謁西院大安禪師安遙見答曰
入沮葉堂去師應諾即入時五百僧俱染時疾師以
杖次第點之隨點而起闍王敬異創國歡院以若之
三年敕於羅什法師譯經處重建草堂寺

四年趙州觀音院從諗禪師示寂壽百二十謚真際

禪師

見南泉南岳第四世

○趙師王公入院瞻禮趙州坐而問

之曰大王會麼王云不會師云自小持齋身已老見
人無力下禪牀王尤加禮翌日令客將傳語師下牀
接之侍者問其意師曰第一等人來禪牀上接第二
等人來下禪牀接末等人來山門外接○敕沙門覺

暉為左右街副僧錄

副職始此

光化二年撫州言曹山有梵僧群集山頂鄉民追之
皆飛行而去遺其笠製甚奇古救於其地建荷玉禪
寺

天復元年山賊許恩作亂至杭州徑山發國一禪師
塔見二甕合藏肉身髮長覆面賊兵皆驚走吳越王
命重瘞之

二年洪州雲居道膺禪師示寂謚弘覺

見洞山清源第六世

三年撫州曹山本寂禪師示寂謚元證師得法於洞
山世稱曹洞宗云○京兆鰥子和上自印心於洞山
涅槃迹闍中日公江岸拾鰥蜺以充食暮卧白馬廟紙

錢中華嚴靜禪師夜入紙錢伺之師至靜把住問曰如何是祖師西來意師云神前酒盞盤靜禮謝而退後入京師伴狂人間神異莫測○韶州雲門文偃禪師聚徒千人漢主劉氏召入內殿都廣咨問法要事以師禮師得法於雪峯號雲門宗清源第

景宗九子

天祐元年誕節勅天下寺觀設齋民間禁屠釣○呂洞賓遊華山過鐘離權授金丹及劍法後過鄂州黃龍山值機禪師上堂清源毅然問曰一粒粟中藏世界半升鐺內煮山川此意何如師曰守屍鬼洞賓曰爭奈囊中有不死丹師曰饒經八萬劫終是落空

賓不服夜飛劍以脇之師已前知以法衣蒙頭坐方丈劍遙數匝師手指之即墮地賓前謝過師詰之曰半升鐺內即不問如何是一粒粟中藏世界賓忽有省乃述偈以為謝曰自從一見黃龍後始覺從前錯

用心仙苑遺事

五代梁都洛

太祖宋溫賜名全忠

開平元年敕僧尼改屬祠部○泉州沙門智宣往西竺求經回詣闕進辟支佛骨貝葉梵經

二年二月雪峯義存禪師示寂十一月玄沙師備禪師示寂師得法於雪峯晚居玄沙學徒千人應機按

物垂二十年閻王待以師禮及終賜謚宗一
三年大明節敕百官詣寺行香祝壽

四年吳越王錢鏐幼子令因爲僧勅賜紫衣無相大
師加同三十臘

末帝莫

貞明元年東塔院沙門歸序進經論會要詔編入大
藏賜演教大師

二年吳越王鏐遣沙門清外同弟錢鏐往四明阿育
王山迎釋迦舍利塔船泊西陵塔夜放光浙江如畫
王躬迎至羅漢寺廣陳供養○四明奉化布袋和尚上
於岳林寺東廂坐盤石上而化葬於封山旣葬復有

人見之東陽道中者囑云我誤持隻屨來可與持歸
歸而知師亡衆視其穴唯隻屨在焉師初至不知所
從自稱名曰契此感額瞠腹言入吉函皆驗常以拄
杖荷布袋遊化塵市見物則乞所得之物悉入袋中
有十六群兒譁逐之爭鬪其袋或於人中打開袋出
鉢盂木屨魚飯菜肉瓦石等物撒下云看看又一一
拈起云者个是甚麼又以紙包便攜云者个是彌勒
內院底嘗在路上立僧問作麼師云等个人來曰來
也師於懷取一橘與之僧擬接復縮手云汝不是者
个人有僧問如何是祖師西來意師放下布袋叉手
立僧云莫別有在師拈布袋肩上行因僧前行撫其

并僧回首師云與我一錢來嘗於酒所示衆云化緣
造到不得於此大小二事郡人蔣摩訶每與之遊一
日同浴于長汀蔣見師背一眼撫之汝是佛師止之
曰勿說與人師常教蔣念摩訶般若波羅密故人問
因呼爲摩訶居士云師昔遊閩中有陳居士者供奉
甚勤問師年幾曰我此布袋與虚空齊年又問其故
曰我姓李二月八日生晉天福初莆田令王仁於閩
中見之遺一偈云彌勒具彌勒分身千百億是時示
時人時人俱不識後人有於墳塔之側得青葉淨瓶
六環錫杖藏之於寺

四年西天三藏鉢怛羅至蜀自言從摩伽陀國至於

州途經九萬九千三百八十里時蜀主王建光天元
年也三藏自言已二百七十歲

述曰此方往五天者有二道焉其一爲西北路自
敦煌陽關經西域諸國過葱嶺雪山入北天竺境
自昔漢騰蘭西來唐非師等東往之所經由是也
其二爲西南路自南海發舶至佛逝國羯荼國西
北至耽摩國東天竺境是東竺南界即海
口外船歸唐之所自昔梁
達磨西來淨三藏會寧東往之所遊歷者是也今
鉢怛羅至蜀之路乃當正西即張騫所謂大夏東
南去蜀不遠之說比之兩路宜應稍近而今所經
歷約十萬里者當是山川盤折風俗不通取道紆

回故十有餘年方得至蜀以故來者僅一鉢怛羅而此方絕無一人取此路也

六年陳州未尼聚衆反立母乙為天子朝廷發兵禽母乙斬之其徒以不茹葷飲酒夜聚娼穢畫魔王踞坐佛為洗足云佛是大乘我法乃上上乘其上嫂不

法有若此
龍德元年敕天下母得私度僧尼願出家者入京城比試經業

唐非洛

莊宗本存

同光元年誕節敕僧錄慧江道士程紫雲入內殿

論設千僧齋鳳翔沙門道賢夢遊五竺見佛指示此其國其聚落暨且頃解五竺言音傳粉壇法于世人稱鳳翔阿闍梨法清泰初隨末帝入洛而終塔于龍門

二年敕三聖慧然禪師入內殿咨問禪法上曰朕下大梁收得一顆無價寶珠未有人酬價然曰請陛下寶看上以手舒幘頭角然曰帝王之寶誰敢酬價帝說然亡勅謚廣濟大師通寂之塔

三年騎將史銀鎗有戰功隨駕入洛忽悟禪道乞出家名契澄賜號無學大師以其居為立德院

明宗

重莊宗義第

天成元年誕節勅僧錄雲辯與道士入內殿談論
二年二月帝每夕於宮中焚香祝天曰某胡人因亂
為衆所推願天早生聖人為生民主

三年閏主王延鈞素敬佛是年度僧二萬人○漳州
羅漢院桂琛禪師示寂師得法於玄沙末帝朝謚真
應禪師清源八世

末帝

明宗養子

清泰元年二月功德使奏每遇誕節乞令州郡奏薦
僧尼立講經禪定持念文章議論為四科試其能否
制可洪容齋三筆引舊五代史○建州崇安縣扣冰古佛名藥先
初見雪峯攜地氈一包將一罐以為獻峯曰包中何

物曰晁氈何處得來泥中泥深多少無丈數還更有
麼轉深轉有又問罐中何物師曰將何處得來自合
得還熟也未不較多峯曰汝異日必為王侯師常夏
月衣褚而坐冬月扣冰而浴因號扣冰閩王延鈞請
居瑞巖經臨建州刺史陳誨飯僧千人問師曰今日
會中有異人乎師曰無有明當為公致一大士誨翌
日具齋以俟有老姥自外至師延居上席飯訖竟去
師曰此水藏菩薩也有頃姥復來指師曰辟支古佛
何為饒舌言訖不見

二年四明沙門子麟往高麗百濟日本諸國傳授天
台教法高麗遣使李仁旦送麟還吳越王錢鏐令於

郡城建院以安其衆

晉

高祖

石敬瑭

天福二年洛陽宣徽將朱崇振屋地得大石佛十軀有碑云唐垂拱六年造景福寺崇大感寤即舍所居以爲寺○竦法師於國清爲義寂法師說止觀法門三年以楊光遠爲天下功德使凡寺院皆屬焉四年敕國忌宰臣百僚詣寺行香飯僧永以爲式○漢中沙門可洪進大藏經音義四百八十卷勅入大藏○杭州天竺山沙門道翽獲奇木造觀音大士像有沙門從勲自洛陽持古佛舍利置豪相中其後舍

利常見于頂冠肉髻白光煥發大著靈感

少帝

厚貴高祖從子

開運元年敕爲高祖寫大藏經奉安明聖寺以資鴻福○六月吳越王錢弘佐遣僧慧龜往雙林開善禁大士塔得靈骨十六片如紫金色舍利無數紫芝生于甕牀雙虎伏于壇下祥雲蔽山甘雨灑地乃奉迎舍利靈骨并淨瓶香鑪扣門推諸物至錢唐安光冊殿供養建龍華寺以其骨塑大士像

三年金陵上元縣人暴死誤追入冥府見唐先主被五木甚嚴民大駭問主何以如此主曰吾爲宋齊丘所誤殺和州降者千人以免被訴民曰臣誤追當還

主泣曰吾因此聞聲鐘則苦慙息汝歸語嗣君凡寺院鳴鐘令延緩之更能為造一鐘尤為濟苦民曰下人何以取驗主曰吾曾受于闐瑞玉天王於瓦官寺佛左膝以香泥藏之時無知者民既還白後主親詣瓦官剖膝果得玉像感泣慟躄即造一鐘於清涼寺鐫其上云薦烈祖孝高皇帝脫幽出厄以玉像建塔於蔣山

漢都晉陽

高祖劉勗本名知遠

天福十二年上柱國郭令威立金剛般若經碑于壽養

隱帝承祐高祖猶子

乾祐元年吳越王錢俶奉天台沙門德韶為國師由弟子之禮

二年雲門文偃禪師坐逝塔全身于文室

周鄴

太祖郭令

廣順元年李守正叛河中太祖親征往麻衣道者語趙普曰李侍中安得父城下有三天子氣未幾城陷侍世宗與本朝太祖俱侍行

二年敕誕節宰臣百僚詣寺觀建祝壽道場

世宗柴榮太子

祖養子

顯德元年齊州開元寺義楚法師進所撰釋氏六帖
敕付史館頒行賜紫方袍

二年四月詔曰釋氏真宗助世爲善將隆教法須辨
否臧旨令不許私度僧尼及親無待養者不許出家
無勅寺舍並須停廢○九月以久不鑄錢勅令除縣
官法物軍器寺觀鐘磬鈸鐸之類聽留外自餘民間
銅器佛像五十日內悉令輸官給其直過期不論五
斤已上其罪死上謂侍臣曰卿輩勿以毀佛爲疑夫
佛以善道化人苟至於善斯奉佛矣彼銅像豈謂佛
邪且吾聞佛志在利人雖頭目猶舍以布施若朕身
可以濟民亦非所惜也○是歲廢寺三千三百三十

六所以所毀像鑄周通錢○帝旣并省寺院勅男年
十五已上誦經百紙或讀五百紙女年十三已上誦
經七十紙或讀三百紙陳狀出家本郡考試以聞祠
部給牒方得剃度此文見舊史歐陽新史並刪去弗存

三年帝召華山隱士陳搏問以飛升黃白之術對曰
天子以治安天下爲務安用此爲乃遣還山詔州縣
常存問

四年七月金陵清涼文益禪師示寂江南唐後主待
以師禮及終謚大法眼學者號法眼宗見羅漢琛師清源九世

○隱士譚景升居終南山與陳搏爲之友著化書百
十篇窮括化原反之仙去嘗遊三茅山至建業見宋

齊丘謂其有仙風道骨出書示之屬為序以傳世齊丘乃竊以自名然未嘗悟道蓋也齊丘相後

述曰曾慥作集仙傳言陳希夷稱其友譚景升作化書又云齊丘竊取以為名世人不能知其妄此殆與向秀注莊子郭象竊之以自名一事蓋相類不幾於盜乎

六年初帝之毀像也鎮州大悲極有靈應詔下人莫敢近帝聞之自往其寺持斧鑿破面留觀者為之慄慄又帝北征疽發冒亟歸京師遂殂楊文公○汴都將士周百勝年老家居蔬食念佛一夕夢黃衣吏追入大城至官府主者令引觀地獄見一人黑色卧大

鐵牀獄卒持鑿破其鼻灌以銅汁叫聲不可聞百勝懼念佛求退追者曰汝已是佛弟子不必懼百勝問囚者何人答曰此柴帝也因毀像致此罰百勝曰我故君主也何時得脫追者曰初錄其人至時王責曰世間周通錢盡時方脫此罪追者引從故道出城門聞寺鐘鳴遂覺百勝常以語人聞者為之悲惋神應錄述曰自昔佛法遭毀有四時焉魏太武因司徒崔浩焚毀經像坑戮沙門既而崔浩要斬太武身感厲疾竟為常侍宗愛所弑文成嗣位復大興佛法其周武因衛元嵩毀經像塔寺毆沙門反俗厥後杜祈入冥見周武地獄受苦求救之事宣帝嗣興

佛法復盛_{其二}唐武宗因趙歸真毀像廢寺僧尼還俗帝後疽發背而殂時穆陵尉稱天符以李炎毀佛有_其牽壽去位之報歸真等皆被誅戮宣宗即位佛法大興_{其三}周世宗毀像鑄錢廢拆寺院疽發背而殂人見在獄受苦有周通錢盡方得脫罪之語_其越五年我

太祖皇帝飛龍在天首詔天下復寺立像遣沙門求法西天僧梵僧翻傳貝葉建精藍濟戰士之魄造經版壽大藏之傳當國家多事而於弘贊佛道無所不舉及太宗繼體度童子十七萬人建譯經院製聖教序賜天下無名伽藍之額建開寶大

塔舍利之藏暨

真宗在朝聖德遐被五天咸貢梵典昭陳天禧度僧二十四萬

仁宗踐阼光贊上乘謹翻譯之功廣藏宮之卷詞臣國

法苑珠林卷第十四

佛祖統紀卷四十四

天宋咸淳四明東湖沙門

志磐

撰

宋都承

太祖

宣祖第二子。母杜氏。二月十六日。為長春節。葬永昌陵。

建隆元年

庚申

正月甲辰。周恭帝遜于位。初上受詔。北

征宿陳橋驛。將士推戴擁入京師。時太夫人杜氏

太祖母。杜氏。二月十六日。為長春節。葬永昌陵。

皇后同王夫人

太祖皇后

方設齋于定力寺。為祈

福。聞變。王夫人懼。太夫人曰。吾兒平生多奇異。人言

當極貴。何憂也。

禱天曰。臣本夷狄。不足以王中原。願早生聖人。以安

楊文公

初是後。唐明宗於禁中焚香。

天下。天成二年二月十六日。上降生于洛陽大內甲

馬營神光滿室異香不散體被金色三日而變人知其為應明宗之禱云皇朝景命錄

讚曰神光金體佛太士之瑞相也開嘉運於五季久阨之年踐大位於四海望治之旦而又知興教護法慈臨民物以為社稷靈長之福非佛大士之示生其孰能與於此哉

上未仕時過涇州長壽鎮寺沙門知非凡人陰使人圖上容於寺壁後以其寺有御容遂為官所護及在洛陽嘗過長壽寺枕殿砥晝寢僧守嚴見赤蛇出入上鼻上寢嚴問所向上曰欲往潭州見柴太尉未有濟州嚴曰貧道有驢可乘以往復贈之錢及見太

挾銅彈走草莽上指州地曰不二十年當有帝王由

此建號

楊文公談苑○太祖在周朝為歸德軍節度使歸德在唐為宋州及受禪遂以宋建國

○先是民間有得梁誌公銅牌記云有一真人起冀

川開口張弓在左邊子子孫孫保求年江南李圭名

其子曰弘冀吳越錢王諸子世連弘字弘冀弘期應

圖識及上受禪而宜祖之諱正當之太祖皇考上弘

趙普皇朝龍飛記○周世宗之廢佛像也世宗自挂鑿破疽

發于胷而殂時太祖太宗目見之掌訪神僧麻衣和

上曰今毀佛法大非社稷之福麻衣曰豈不聞三武

之禍乎又問天下何時定乎曰赤氣已兆辰申間當

已毀寺所有佛像許移置存留於是人間所藏銅像稍稍得出

讚曰自有佛法以來有道之國未嘗不隆篤佛教以勸天下太祖初見周朝毀像傷之曰令毀佛法大非社稷之福及登大寶亟下興復之詔可謂有道之君必隆佛教

十月親征揚州李重進十二月城陷上以其固拒欲盡坑之俄有異僧詣行宮門自稱龍興寺清範表乞恩宥上許之翌日駕幸尋問見殿上二羅漢手擎草表上大弔敕建別殿安其像廣陵志○吳越王錢俶天性敬佛慕阿育王造塔之事用金銅精鋼鑄造八萬

四千塔中藏寶篋印心咒經

此經咒功云造像造塔者奉安此咒者即成七

寶印是奉藏三世如來全身舍利

布散部內凡十年而訖切俗舍有

奉此

○初天台教卷經五代之亂殘毀不全吳越王

俶遣使之高麗日本以求之至是高麗遣沙門諦觀持論疏諸文至螺溪謁寂法師一宗教文復還中國螺溪以授寶雲雲以授法智法智大肆講說遂專中興教觀之名吳越王傳

二年御製文宣王讚○詔前征李重進凡死於兵者

以揚州行宮置建隆寺為薦冥福如唐太宗正觀四年故事至道三年郡守王禹稱撰碑○詔民間二月至九月不許

漁捕彈射著于令○四月上幸相國寺祈雨出內帑

設千僧齋已而大雨○吳越王倣請延壽禪師主求
明寺今錢唐淨慈寺師日課一百八事學者參問以心為宗
以悟為則日暮往別峯行道念佛人聞山中天樂聲
吳越王感其專至為作西方莊嚴殿以成其志師以
賢首慈恩天台三宗互有同異館其徒之知法者博
閱義海更相質難師以心宗之衡以準平之又集大
論六十部兩士賢聖三百家之言證成唯心之
旨為書百卷名曰宗鏡傳於世師傳
三年五月早上幸相國寺祈雨詔徵樂太官進蔬食
已而雨大濟○西域于闐國沙門著名七人來謁館
于相國寺○楚王周行逢據潭州果於殺戮然知事

佛度僧齋懺未嘗見沙門輒作禮親手行食謂左
右曰吾殺人多矣不假佛力何以解怨○十一月高
昌國遣僧法淵獻辟支佛牙玉器

乾德元年螺溪寂法師為義通法師說止觀法門
三年滄州沙門道圓遊五天竺往反十八年及還偕
于闐使者至京師獻佛舍利貝葉梵經上召見便殿
問西土風俗賜紫方袍器幣○特進李託奏雄武推
官阮紹莊夢雲門禪師令上奏乞開塔有旨韶州守
臣開視見師真身如生乃迎赴闕供奉逾月遣使送
還山中敕謚大慈元真宏明禪師此後不下法出而弘之
四年詔秦京既通可遣僧往西竺求法時沙門行勤

一百五十七人應詔所歷焉耆龜茲迦彌羅等國並
賜詔書諭令遵久前導仍各賜裝錢三萬行書三萬
○上初詔西川轉運使沈義倫於益州以金銀字寫
金剛經進上至是召天清寺沙門崇蘊入內誦演○
樞密使沈義倫事佛長齋夏中危坐以飼蚊或以為
苦者曰餓蚊相投豈忍拂去時執政多自陳起第獨
義倫乞為母修寺上嗟歎許之○敕內侍張重進往
峨眉山普賢寺莊嚴佛像因嘉州屢奏白水寺普賢
見相也峨眉山志云昔有蒲翁因采藥入山望峯頂五
色雲放白光忽一庵前道至巖上見普賢大士真相
自茲顯迹○河南府進士李鶴造滅邪集以毀釋教

小藏經以爲妄事障上以爲非毀聖道言此百姓敕
刺流沙門島在登州海中舊制以溢額取居久者二
溢額者移隸下
登州上然之

述曰儒家有好排佛者以不曾讀佛經耳使稍知
觀覽必能服其爲道之妙李鶴造論指佛爲邪蓋
傳奕韓退之誡佛爲夷之餘波也不有明主孰能
監其妄作流之海島非不幸也

五年詔曰禁錮以來天下多輦佛像赴京觀惟像數
世許尊瞻忽從鎔毀甚乖歸敬應諸郡有銅像處
舊存留但不許鑄造新像○右街應制沙門文勝奉
敕編修大藏經隨函索隱凡六百六十卷○敕萊州

道士劉若拙充右街道錄集京師道士試學事業木
至者皆罷斥之

開寶二年長春節詔天下沙門殿試經律論義十條
全中者賜紫衣

四年三月上親征太原劉繼元道由潞州亦衣和上
院躬祝於佛曰此行以弔伐為事誓不濫殺一人繼
元聞之極力抵拒車駕至城下諸軍進攻時太原城
守尚堅博士李光贊歡上回鑾音鑾於也天子大和
佛上金雀口銜錢曰
宰相趙普以為然遂班師○處士陳搏受易於麻
衣道者得所述正易心法四十二章理極天人摩訶
光儒之失搏始為之註及受河圖洛書之訣發易道

之秘漢晉諸儒如鄭康成京房王弼韓康伯皆所未
知也其訣曰戴九履一左三右七二四為肩六八為
膝縱橫計十五而五居其室此圖縱橫倒正回合交
錯隨意數之皆得十五劉牧謂非人智所能偽為始
搏以傳种放放傳李溉溉傳許堅堅傳范諤昌諤昌
傳劉牧始為鈞隱圖以述之

述曰繫辭云河出圖示其名也參伍以變錯綜其
數示其體也此夫子顯示河圖之文也漢世有書
其論河圖云太一取之以行九宮四正四維皆十
有五此易緯詳陳河圖之數也五李之際有方服
而衣麻者妙達易道始發河圖之秘以授希夷希

夷始著訣傳世然世人徒能述希夷之言而不知其義本出於繫辭易緯今以著訣上合易緯九宮十五之文又以易緯仲參繫辭參伍以變之說無不脗合繫緯之文略而隱故常人不能明獨麻衣悟此妙於二千年之後殆天授也河洛文今見陳搏居華山錢若水未第去謁之搏邀入山齋見老僧擁納附火若水棋之僧開目而已坐久搏問何如僧曰無此骨法若水退搏戒之曰三日後可復來如期而往搏曰始吾見子神觀清粹謂可以學仙故請決於老僧僧言他無仙骨但可作貴公卿於急流中勇退耳問僧何人搏曰吾師麻衣道者也湖南晉錄○湘微志

中云僧是自○沙門建盛自西竺還詣闕進貝葉梵經同梵僧曼殊室利偕來室利者中天竺王子也詔館于相國寺持律甚精都人施財盈屋並無所用○敕高品張從信往益州雕大藏經板五年詔僧道每當朝集僧先道後並立殿廷僧東道西間雜副職若遇郊天道左僧右僧史畧

僧東 道左
北○君位 僧先道後○殿廷 ○郊天 南

道西 僧右

述曰左右即東西也郊天之日道居左者以道士繼朝班之後便於設拜故權令居左非常用之法

也此說聞之頑空云得之禮部職事人

京城名德玄超等入大內誦金字大藏經重駕臨幸並賜紫方袍○詔曰僧尼無間實繁教法自今於尼寺置壇受戒尼太德主之

述曰廷議但欲分別僧尼而不知尼女受戒須依大僧無置壇自受之律此一時救弊不可為法今則無復用此法也

詔曰釋門之本貴在清虛梵刹之中豈宜汗雜適當崇闡尤在精嚴如開道場齋會夜集士女深為褻瀆無益修持宜令功德司祠部告諭諸路並加禁止○敕僧道並諫切德

西天竺沙門可智法見吳理三人來朝賜紫方袍西天竺沙門蘇葛陀來貢舍利文殊華賜紫服金幣六月天台德韶國師示寂有大星殞于峯頂天降大雪師得法於清涼法眼清涼下○西天竺沙門彌羅等十四人來朝並賜紫服

元年八月汝州風火禪師延昭示寂師得法於南院南院入知鄆州音學王音學表稱中天竺三藏法夫至譯聖無量壽經七音學河中府梵學沙門法進執筆綴文龜從潤色詔法天赴開召見慰問賜紫方袍

七年二月永明壽禪師示寂賜諡智覺師得法於韶

國師高麗國王遣三十六僧來受道法於是法眼一宗盛行海外而中國遂絕

八年三月上幸洛陽至龍門山廣化寺開無畏三藏塔瞻放真體四月上將郊天而雨不止遣使禱無畏塔及期而霽無畏三藏唐開元四年自西天來長安為教主二十三年城塔于洛陽之龍門○上自洛陽回京師手書金剛經常自讀誦宰相趙普因奏事見之上曰不欲甲冑之士知文但言常讀兵書可也

讚曰漢高帝與韓彭取天下論功行封王侯十城相繼反時卒取誅戮光武封功臣鄧禹等大者不過數縣以其易制故上下無異意矣哉我

祖之善駕馭英雄也俾石守信等義社十弟釋兵權於杯酒笑談之頃享祿秋第全其餘生上不失國恩下不失臣節過二漢君臣遠矣至於深居禁中常誦佛典而欲使甲士知讀兵書是又重威保國之仁術也智矣哉

太宗

宣祖第三子太祖同母弟也母豐神人捧日宣于懷遠張十月十七日為乾明節葬宋熙寧

太平興國元年詔普度天下童子凡十七萬人國朝會要

○國初有天神降于整屋音周贊扶風屬略張守真家自言

玉帝之輔奉上帝命護衛宋朝所言禍福皆驗守真遂為道士至是上召守真入見陳立壇設醮之法敕於瓊林苑設周天大醮遣起居舍人王龜從就終南

山建上清太平宮以奉天神上親征太原天神降言
宜設醮謝勝捷踰旬王師奏捷上遣使詣宮醮謝其
夕降言曰上帝諸天皆喜國祚延永過於有唐乃詔
封天神爲翊聖保德真君賜守真崇元大師自是公
卿士庶諸宮祈叩必降語告誡國朝會要真君傳結壇
之法有九上三壇爲國家上曰順天興國壇星位三
千六百爲普天大醮中曰延祚保生壇星位二千四
百爲周天大醮下曰祈穀福壽壇星位一千二百爲
羅天大醮中三壇爲臣寮上曰黃籙延壽壇星位六
百四十中曰黃籙臻慶壇星位四百九十下曰黃籙
去邪壇星位三百六十下三壇爲士庶上曰續命壇

星位二百四十中曰集福壇星位百二十下曰卻災
壇星位八十中曰旌旗鎧劍弓矢法物具列儀範各有
差降云真君曰諸天萬靈仙衆梵佛悉朝上帝於通
明殿又曰佛在三清之中別有梵天居之於上帝如
九卿奉天子也

述曰凡釋道二家之言天名可不同而體不可不
同也如來聖人如寶如見三界不可斷不盡也而
道家諸書淺繆無識故名與體皆不同如度人經
諸道書或云三十六天謂欲界六天色界十八天
無色界四天此二十八爲三界內有生死其上更
有四梵天爲三界外斷生死一灾又其上有三清

天最上為大羅天。此等雖欲比同佛經三界之語，殊不知四梵三清竟無實位。蓋凡言界外斷生死者，即三乘與佛耳。豈當復指三清諸天輪轉之徒哉？張無盡述息靜論引黃帝內書云：「太一者元一之氣，始生於太虛之上，有玉京山四方各有八天，三十二帝王京，之上有玉清上清太清三清之上，有虛皇十天，元老元君元尊天真九皇居之。天皇真人降天真九氣，分六元而為混沌之象。」無盡斷之曰：「夫言玉京山三十二帝者，即佛之所居也。玉京山頂，忉利天也。虛皇天者，即佛所謂大梵天也。三清天者，即佛所謂空居天也。大梵天為世界主，

不知上有光音諸天。而言我能有所生有所生，則氣有所降。此天真九皇所以降氣而造世界也。氣有陰陽，則人有男女。如道家三清待以金童玉女，此欲界空居為三清天也。空居即夜摩為太清境，率為上清變化為五清。他化自在為大羅天，然道書言天亦有日月，難以此定。又王欽若奉詔撰翊聖真君傳，其間論佛最為失義。如翊聖云：「諸天萬靈仙衆梵佛悉來朝上帝。夫佛為三界師，為天中尊佛所住，變梵天帝釋皆來衛從。明知天帝所以奉佛也。今傳言佛來朝上帝，甚為無狀。翊聖既自言帝輔其位高矣，未應有此失理之言。欽若稍稱知佛作傳之辭，亦未必有此語。特恐道流不知天

位妄撰此言入于傳中雖欲尊天而卑佛適所以誣天而悞佛也戒之哉

初周世宗廢龍興寺以爲官倉國初寺僧擊鼓求復至是不已上遣使持節詰之曰前朝爲倉日久何爲煩瀆天廷且密戒懼印軌之僧辭自若曰前朝不道毀像廢寺正賴今日聖明興復之耳貪道何畏一死

中使以聞上大感歎救復以爲寺類苑二年詔改龍興寺爲太平興國寺立開先殿以奉太祖御容○西天沙門吉祥來進貝葉梵經○詔華州處士陳搏入見不就帝遣中謁者爲中謁者內侍賜以詩曰曾向前朝出白雲後來消息杳無聞如今若解

隨徵召盡把三峯乞與君搏不得已詣闕冠華陽巾

羽服草屨以賓禮見草曰履奇脚木曰屨步曰履賜

號希夷先生令見壽王真宗初封及門而反曰王門庶役

皆將相之具何必見王由是上屬意真宗宰相宋琪

從容問曰先生得玄默之道可以化人乎搏曰山林

之人無道可傳聖上天目之表正君臣合德圖治之

時也

三年三月賜天下無名寺額曰太平興國曰乾明○

開寶寺沙門繼從等自西天還獻梵經佛舍利塔菩

提樹葉孔雀尾拂並賜紫方袍○四月詔謚廬山遠

法師曰圓悟塔曰凝寂永法師曰覺寂塔曰寶智○

十月詔孔子四十四代孫宣襲封文宣公○中天生
沙門鉢納摩來獻佛舍利塔擎牛尾拂○西夫王子
曼殊室利求歸本國詔從之開寶四年○翰林學士李
昉徐鉉等進太平廣記其間錄佛法者三十卷上自
漢明終于五代古今悟心得道之衆神僧經論定慧
之學君臣信毀休咎之徵靡所不載○敕供奉官趙
鎔往吳越迎明州阿育王佛舍利塔○吳越王徽奉
版圖歸朝令僧統贊寧奉釋迦舍利塔入見于慈福
殿上素聞其名一日七宣賜號通慧大師事在開寶
兩浙僧錄
義宗除翰林與學士陶穀同列或謂之曰青瑣
朱楹安容此物及與之語師援據經史衮衮不已詔

者為之畏服學士王禹偁徐鉉每有疑則就質之皆
為下拜事以師禮滋福殿老安佛像經藏立刻聲鐘
即內道場也國朝
會要

四年九月嘉州言夾江縣民王詣得玄石一甬有丹
文一曰君王萬歲二曰趙二十一帝滅其石求獻開

通鑑

五年正月勅內侍張延訓往代州五臺山造金銅文
殊萬菩薩像奉安于真容院詔重修五臺十寺以沙
門芳潤為十寺僧正十寺者真容華嚴壽寧興國竹
林金閣法華秘密藏境大賢五臺山記云山形五峙
周五百里崇巖疊嶂飛泉吐霧中臺高四十里頂上

平地周六里西北有太華池石精舍文殊彌勒石像
東南有大孚寺魏文帝造東西二堂聖所居處又東
北有王子寺阿育王塔東北三臺間有金剛窟三世
佛法藏中臺東南有清涼寺其最深處文殊所居人
不敢近西巖有秘庵巖巖西有佛光寺○敕內侍張
仁贊往成都鑄金銅普賢像高二丈奉安嘉州峨眉
山普賢寺之白水建大閣以覆之詔重修峨眉五寺
即白水普賢黑水華嚴中峯乾明光相也三峨高出
五雲秀甲九州西竺千歲和上曰此震耳國第一山
也○河中府沙門法進請三藏法天譯經于蒲津蒲州
守臣表進上覽之大說召入京師始興譯事○

二月北天竺迦濕彌羅國三藏天息災為填曩國三
藏施護來召見賜紫衣敕二師同閱梵夾時上盛意
翻譯乃詔中使鄭守均於太平興國寺西建譯經院
為三堂中為譯經東序為潤文西序為證義○五月
中天竺沙門護羅來獻貝葉梵經勅賜紫服○沙門
知則進所著聖無量壽經疏賜號演教大師○詔建
開聖禪寺於誕生之地奉優與王旃檀瑞像梁武帝遣和帝
進至天竺釋迦佛牙太祖親緘銀塔中唐宣律師所獻梁誌
公真身錫杖刀尺○敕內侍衛欽往泗州修僧伽大
師塔凡十三層改普照王寺為太平興國
七年正月威虜軍奏言築城穿土得石函鐵函銅函

銀函金函凡五重中有流離瓶盛佛舍利有刻石記云貞觀二十一年藏佛舍利謹遣牙吏以聞○嘉州通判王褒奏近往峨眉提點白水寺修造見瓦屋山皆變金色中有丈六金身普賢次日午中見羅漢二身乘紫雲行空中○舒州奏貢瑞石言懷寧縣人柯萼逢異僧令往萬歲山取寶僧以杖指古松剪掘之得黝石青黑色反上刻梁誌公記云吾觀四五朝後次丙子年趙號太平二十一帝社稷求安僧忽不見上覽石敬歎不已忽一日誌公降禁中上親聞訓語乃遣使詣鐘山奉齋其文略曰至真臨格寶訓躬聞寶基緒之由來積慶靈之永久乃詔賜號道林真覺普

薩公弘不得指斥其名因號寶公

讚曰當太宗朝兩獲瑞石皆樞趙二十一帝嘉州之貢猶可以言人為之至於舒州之獻誌公所記異僧親指非可言言人為也及誌公降禁中聞寶訓遣使鐘山奉齋致謝非聖天子有所誠感焉至於是

深州奏陸澤縣人王緒牧牛田中見一白兔逐之入土穴中探穴得石佛五十軀制度奇古長皆尺餘勅就邑寺奉安像常放白光○六月譚經院成詔天息災等居之賜天息災明教大師法天傳教大師施護顯教大師令以所將梵本各譯一經詔梵學僧法進

常謹清沼筆受經文光祿卿楊說兵部員外郎張
洎潤文殿直劉素監護天息災述譯經儀式於東堂
面西粉布聖壇作壇以粉飾開四門各一梵僧主之
持秘密咒七日夜又設木壇布聖賢名字輪壇形正
佛大士天神名位目曰大法曼拏羅此云請聖賢
儀其上如車輪之狀目曰大法曼拏羅此云請聖賢
儀其上如車輪之狀阿伽沐浴阿伽此云供養之器皆備
日阿伽今言門伽乃是沐浴器設香華燈
水肴果之供禮拜遶旋祈請冥祐以殄魔障第一譯
主正坐面外宣傳梵文第二證義坐其左與譯主評
量梵文第三證文坐其右聽譯主高讀梵文以驗差
吳第四書字梵學僧審聽梵文書成華字猶是梵音
凡又云初翻為梵哩
馬到乃為表祖覽第五筆受翻梵音成華言那野

第六綴文回綴文字使成句義如華受
五德彼自性空見此今云照見五德皆空大率梵音
多先能後折如念佛為佛念打鐘為鐘打故須回綴
字句以順第七參譯參考兩土文字使無誤第八刊
定刊削冗長定取句義如無無明無明到兩字如第
上上之文第九潤文官於僧衆南向設位參詳潤色如心細度
元無梵本又是故空中一
句是故兩字元無梵本僧衆日自沐浴三衣坐具
威儀整肅所須受用悉從官給天息災言譯文有與
御名廟諱同者前代不避若變文回避慮妨經旨今
欲依國學九經但闕點畫詔答佛經用字宜從正文
廟諱御名不須回避○七月天息災上新譯聖佛母
經法天上吉祥持世經施護上如來莊嚴經各一卷

詔兩街僧選義學沙門百人詳定經義時左街僧錄
神曜等言譯場久廢傳譯至艱天息災等即持梵文
先翻梵義以華文證之曜衆乃服○詔新經入藏開
板流行車駕親幸譯經院召僧衆賜坐尉論賜卧具
綈帛什物度其院童子十人悉取禁中所藏梵本令
其翻譯○十二月詔選梵學沙門爲筆受義學沙門
十人爲證義自是每歲誕節必獻新經皆召坐賜齋
以經付藏○詔曰朕方隆教法用福邦家其內外諸
郡童行並與剃度○成都沙門光遠遊西天還請闍
維西天竺王子沒徒囊表佛頂印貝多葉菩提樹葉
詔三藏施護譯其表曰伏聞支那國西竺指大唐爲
支那今因音以

也有大天子至聖至神富貴自在自憐福薄無由
朝謁蒙皇恩賜金剛座釋迦如來袈裟一領即已
披挂供養伏願支那皇帝福慧圓滿壽命延長一切
有情度諸沈溺謹以釋迦舍利附沙門光遠以進金
剛佛袈裟西朝未見遠送之實今詳乾德四年行勅
等應詔西大求法諸國並賜詔書應以此年附獻也
八年上謂輔臣曰朕讀道德經至佳兵者不祥之器
聖人不得已而用之未嘗不三復以爲規戒信玉者
以武克定以文致治也

六月詔翰林贊寧修大宋高僧傳寧乞歸錢唐撰述
詔許之○詔譯經院賜名傳法於西偏建印院今
安傳法院即東都譯經院
今但保奉入內道場法事○成都先奉太祖勅詔大

藏經板成進上○敕太原成都鑄銅鐘賜五臺峨眉
名山遣挂之日兩山皆有梵僧十餘空中奉迎其鐘
聲聞百里○天息灾等言歷朝翻譯並藉梵僧若遇
阻不來則譯經廢絕欲令兩街選童子五十人習學
梵字詔令高品王文壽選惟淨等十人引見便詔
送譯經院受學惟淨者江南李煜之姪口授梵字即
曉其義歲餘度為僧升梵學筆受賜紫衣光梵大師
○沙門法遇自西天來獻佛頂舍利貝葉梵經法遇
化衆造龍寶蓋金欄袈裟將再往中天竺金剛座所
供養乞給所經諸國書詔賜三佛齊葛古羅柯蘭諸
國敕書以遣之○泗州奏僧伽塔白晝放光士民然

頂臂香供養者日千餘人敕內侍奉釋迦舍利藏之
塔下○上以新譯經示宰臣曰佛氏之教有裨政理
普利眾生達者自悟淵源愚者妄生誣謗朕於此道
微識其宗凡為君而正心無私即自利行也凡行一
善以安天下即利他行也如梁武捨身為奴此小乘
偏見非後代所宜法也趙普對曰陛下以堯舜之道
治世以如來之行修心聖智高遠非臣下所能知也
○詔以御製蓮華心回文偈秘藏詮逍遙詠宣示近
臣○敕內侍張承貴往天台山重建壽昌寺從沙門
自珣請也

雍熙元年三月日本國沙門齋然丁亥來朝然言其

國傳襲六十四世八十五主至應神天皇始傳中國
文字至欽明天皇壬申歲始傳佛教於百濟當聖
聖初年至用明立有太子名聖德年七歲使儒佛法
於善提寺誦勝鬘經感天雨華始遣使入中國求法
華經當隋開皇中也至孝德立白雉四年遣僧道照
入中國從英法師傳法當唐永徽四年也次足姬立
令僧智通入中國求大乘法當顯慶三年也次文武
立寶龜二年令僧玄昉入中國求法當開元四年也
次孝明立天平勝寶四年遣使入中國求內外教典
當天寶中也次元武立遣僧空海入中國傳智者教
當元和年中也貞元元和間有日本最澄受荆溪丁
宗說以歸當以此為傳教之始

上而舟公乃言空海傳教而不及最澄何邪唐書亦
言空海傳教中國二十年然吾未見空海傳教之
迹今據釋門正統云空海入中國學密教於不
空弟子慧果始知唐然言學智者教者誤也次文
德立令僧常曉入中國求釋迦密教當大中年也上
聞其主一姓傳繼臣下皆世官謂宰臣曰島夷君臣
乃能世祚永久若是齋然求講五臺及回京師乞賜
印本大藏經詔有司給與之

案唐書日本漢倭人也去京師萬四千里直新羅
東南在海中島左右小島五十餘皆自各國而臣
附之其俗多女少男有文字尚浮圖其王姓阿每
氏初主號天御中丰彥敏五十二世皆以尊為號
居竺紫城彥子神武立更以天皇為號徒治大和

州又十六世至應神又十四世至欽明又二世至
用明當隋開皇末始與中國通又四世至皇極當
正觀五年遣使入朝極子孝德立始改元白雉獻
虎魄大如斗馬脂若五升器又二世至天智遣使
與蝦蟇人借朝又二世號摠持遣使賀平高麗當
咸亨元年也至是始改號日本言其國在東近日
所出也長安元年持子文武立改元大寶遣使粟
田貢方物武后授司膳卿還國又二世聖武立改
元白龜開元初粟由復來朝請從諸儒授經詔四
門助教趙玄默即鴻臚寺爲師悉賞物買書歸聖
武玄立明立改元天平勝寶四世元武立當貞元

末年遣使者朝則學者擢免勢得聞空海留聲
二十年乃還又五世文德立又三世光孝立當光

啓元年也

唐祖景帝武虎如龍虎
虎五虎魄並代以武字

敕造羅漢像五百十六身奉安天台壽昌寺

二年上覽新譯經謂宰臣曰天息災等妙得翻譯之

體乃詔天息災除朝散大夫武光祿卿法天施護並

除朝奉大夫武鴻臚卿法天改名法賢並月給酬駱

錢有差新譯經論並刊板印行天息災等言聞陝西

諸路頗有道德俗收藏梵經乞下尋訪以資翻譯詔從

之

漢書注郊廟行禮九
賓鴻臚而臚傳之也

述曰自古人君重沙門之德者必尊其位異其稱

日僧錄僧統法師國師入對不稱臣登殿賜高座
如是爲得其宜至若封官加爵稱卿稱公混濫朝
議輕招物論上失尊僧之禮下貽失節之譏釋氏
清風幾於不競彼微君處士不事王侯者吾輩寧
無愧乎若不空開府於唐朝息災光祿於吾家
皆由翻譯功高特承天澤蓋將答主上重法之心
非所以爲榮也

詔兩街供奉僧於內殿建道場爲民祈福歲以爲常
○詔西天僧有精通梵語可助翻譯者悉館下傳法
院○詔嶺南與俗殺人祭鬼僧置妻室所在長吏官
爲誠厲以順正教東都事畧

述曰肇少時客南海見鄉落僧居畜妻養子皆能
執鉞鼓從事於赴請問其有度牒否則白但於本
郡給帖耳此等皆因守郡者規微利而不知恩漬
三寶之爲過也今此詔旨專戒長吏可謂得護法
之心焉嘗聞蜀僧在鄉多畜妻子平時習熟公私
不以爲非今之西蜀遊學東南者真成出家之士
也

三年詔天下係帳章行並興剃度自今後讀經及三
百紙所業精熟者方許係帳○詔以御製三藏聖教
序賜天息災等令冠新譯經首

四年敕內侍送寶冠璽珞袈裟往峨眉普賢寺是日

日僧錄僧統法師國師入對不稱臣登殿賜高座
如是爲得其宜至若封官加爵稱卿稱公混濫朝
議輕招物論上失尊僧之禮下貽失節之譏釋氏
清風幾於不競彼微君處士不事王侯者吾輩寧
無愧乎若不空開府於唐朝息災光祿於吾家
皆由翻譯功高特承天澤蓋將答主上重法之心
非所以爲榮也

詔兩街供奉僧於內殿建道場爲民祈福歲以爲常
○詔西天僧有精通梵語可助翻譯者悉館下傳法
院○詔嶺南與俗殺人祭鬼僧置妻室所在長吏官
爲誠厲以順正教東都事畧

述曰肇少時客南海見鄉落僧居畜妻養子皆能
執鉞鼓從事於赴請問其有度牒否則曰但於本
郡給帖耳此等皆因守郡者規微利而不知恩漬
三寶之爲過也今此詔旨專戒長吏可謂得護法
之心焉嘗聞蜀僧在鄉多畜妻子平時習熟公私
不以爲非今之西蜀遊學東南者真成出家之士
也

三年詔天下條帳章行並興剃度自今後讀經及三
百紙所業精熟者方許係帳○詔以御製三藏聖教
序賜天息災等令冠新譯經首

四年敕內侍送寶冠璽珞袈裟往峨眉普賢寺是日

最見普賢大士乘紫雲行空中久之方沒○十一月
四日螺溪義寂法師示寂

端拱元年翰林通慧大師贊寧上表進高僧傳三十
卷重書褒美重音徒下令編入大藏敕住京師天壽

寺僧傳之作始於梁嘉祥惠皎為高僧傳十四卷起
漢明終梁武天監十八年唐西明道宣作續高僧傳
三十卷起梁天監訖唐正觀十九年今宋傳起唐正
觀至宋端拱元年依梁唐二傳分十科一譯經二解
義三禪定四戒律五護法六感通七遺身八讀誦九
興福十雜學王禹偁有詩贈贊寧僧云支公
非有董狐才史傳修成之夜聞
述曰洪覺範謂宣律師作僧史文辭非所長作禪

者傳印戶案檢寧僧統雖博學然其識暗聚聚
碣為傳非一體覺範之論何其至邪昔魯直見僧
傳文鄙義淺欲刪修之而不果惜哉如有用我者
吾其能成魯直志乎

兩街僧錄可朝等請鑒釋御製佛乘文集詔許之○
日本國法濟大師育然遣弟子嘉因祈乾來朝○十
月二十一日寶雲通法師示寂

二年開寶寺建寶塔成八隅十一層三十六丈上安
千佛萬菩薩塔下作天宮奉安阿育王佛舍利塔皆
杭州塔土喻浩所造凡八年而畢賜名福勝塔院安
舍利日上肩輿微行自手奉藏有白光起小塔一角

大塔放光洞照天地，士庶焚香獻供者，盈路內待數十人求出家掃塔，上謂近臣曰：「我宿世曾親佛座，但未通宿命耳。」詔直學士院朱昂撰塔銘，謂曰：「儒人多薄佛，向中竺僧法遇乞為本國佛金剛座立碑，即昔下金剛也學士蘇易簡為之指佛為夷人，朕惡其不遜，遂別命製之，卿宜體此意。」

述曰：人無通識，不足以知佛，故韓愈夷其佛，歐陽脩亦夷其佛。太宗以蘇易簡指佛為夷而惡之，自古人君莫如。太宗之有通識也，佛聖人也，五天中土也，此方即五天之東境也。今稱中國者，此方自稱華也，稱四夷者，且約此方四境之外，論之。

也。儒家之通識，即日曉以言之，故多失言。若蘇黃諸公，則知之復能言之也。

敕內侍謝保意領將作匠，賜黃金三百兩，往峨眉飾普賢像，再修寺宇，并賜御製文集，令直院徐鉉撰記。淳化元年，詔參政魏易簡撰三教聖賢錄，乞通慧贊寧太一宮道士韓德純分領其事，寧撰驚竊聖賢錄五十卷，以進。敕充左街講經首座。○通利軍後廢，隸真定府建城掘地，於古寺基得巨石佛十軀，詔建淳化寺，以奉其像。○詔漣水軍沙門道堅赴闕召見，賜褐，堅姓婁神異不測，知人休咎，時潤州有沙門號四世界，佯狂市廛，說禍福，立應，潤商人欲往，漣水四世界曰：「彼

有。道者。是。暗。寶。華。佛。化。身。汝。如。見。之。必。獲。厚。利。商。至。漣。水。見。而。失。之。師。曰。四。世。界。教。汝。來。邪。汝。不。識。日。光。菩。薩。見。我。何。爲。商。退。果。得。利。異。常。時。歸。訪。四。世。界。不。復。見。矣。○詔。訪。問。道。經。得。舊。七。千。卷。命。散。騎。常。侍。徐。鉉。知。制。誥。王。禹。偁。校。正。刪。去。重。複。寫。滿。爲。三。十。三。百。三。十。七。卷。分。賜。官。觀。漢音黃○詔。赤。腳。道。者。入。見。上。曰。南。方。禪。律。如。何。化。物。對。曰。究。之。一。理。上。起。遷。龍。牀。一。市。云。是。禪。是。律。對。曰。究。之。一。理。上。說。○高。麗。國。王。治。遣。使。乞。賜。大。藏。經。并。御。製。佛。乘。文。集。詔。給。之。一。年。太。原。沙。門。重。達。自。西。天。還。往。皮。十。年。進。佛。舍。利。貝。經。賜。紫。服。往。西。京。廣。愛。寺。○敕。翰。林。贊。寧。充。

史館修。○中天竺那爛陀寺沙門彌施乞多來朝。進佛舍利梵經。賜紫服。○杭州西湖昭慶寺沙門省常剃血書華嚴淨行品。結社修西方淨業。宰相王且爲之首。參政。蘇易簡。百三十二人。一時士夫皆稱淨行社弟子。比丘預者千衆。人謂廬山蓮社莫加此。日之盛。○申公呂蒙正微時。寢甚。寢。即羽。反。其也。常于謁人。有僧憐之。給其食。彌月。又憐之。令就居房廊。隨其所欲。遂得安心讀書。是年獲薦。僧復備裝遣之。竟魁多士。後十年執政。郊祀奉給。皆不請。上問其故。對以。恩未報。上歎曰。僧中有若人邪。乃牒西京令寺僧。奉資修寺。以爲報。公常晨興禮佛。祝之曰。不信三寶者。

願勿生我家願子孫世世食祿護持佛法公之子公著猶子東簡並封申公皆知敬佛每於元旦具出所事諸禪老書誨拜而讀之蒙正居政府日焚疏請言法華齋翌且言至坐堂上公將出念當拜不當拜言大呼曰呂老子快出來拜亦得不拜亦得公大驚遽出拜之齋畢問未來休咎言索筆畫亳州二字及後罷相知毫始悟前識大慧武庫

三年上謂侍臣曰清淨致治黃老之深旨也呂蒙正曰比來上封事更求制度者甚衆願陛下專行清淨之化○南海古城國沙門淨戒詣闕獻如意金銅鈴杵龍腦香詔國忌日宰相已下詣寺觀行香禁不

得事腥酒

四年詔西邊諸郡梵僧西來中國僧西遊而還者所持梵經並先具奏封題進上○高麗國王治遣使謝賜藏經御製文集○上幸開寶塔院問僧鄉是何人僧云塔主上曰朕塔因何鄉作主僧無對雪竇代云蓋國咸知因僧朝見上曰甚處來對云廬山卧雲菴上曰卧雲深處不朝天僧無對雪竇代云難逃至化上嘗夢天人云請陛下發菩提心翌且宣問兩街菩提心如何發俱無對

雪竇代云寶
調今古罕聞

五年于闐國沙門吉祥進大乘秘藏經詔三藏法賢等詳定賢奏此經是于闐書體非是梵文其中無請

問人及聽法，衆前後六十五處，文義不正，帝召賢論之，曰：「使邪偽得行，非所以崇佛教也。」宜焚棄此本，以絕後惑。○蜀民李順反，陷成都，上遣昭宣使王繼恩攻破之，復命參知政事趙昌言充川陝路兵馬都使。既行，時峨眉高僧茂真赴召，謂上曰：「昌言額紋有反相，不宜委以蜀事。」上方悔之，及昌言至，鳳翔時寇準爲守，密上書言昌言有重名，無子息，不可授以兵柄。上得疏，憶茂真言，大驚，乃以昌言知鳳翔，而召寇準參政事。本朝事實

至道元年，中天竺沙門迦羅扇帝來朝，進佛頂舍利貝葉梵經。○詔兩浙福建路每寺三百人歲度一人。

尼百人度一人，誦經百紙，讀經五百紙，爲合格。○詔兩街僧錄省才進孟蘭盆儀。

二年，詔以御製秘藏詮二十卷，緣識五卷，逍遙十卷，兩街箋注，入大藏頒行。

藏六秀師曰：秀常恭覽秘藏詮等三文，知旨義與契經相爲表裏，所謂現在佛以梵王帝釋身攝性而說法也。

敕史館編修贊寧知西京教門事。

三年九月，詔孔子四十五世孫延世襲封文宣公。○西天竺沙門羅護羅來朝，進貝葉梵經，賜紫衣，法運通塞志第十。

卷之四

辨四指

三

[illegible]

